

è per mandar a Roma per la liga e Spagna. *Item*, fo electo uno proveditor sora li beni di rebeli, compagno di sier Antonio Condolmer, in luogo di sier Sebastian Zustignan el cavalier è andato proveditor in Histria, et rimase sier Francesco Donado el cavalier fo di la zonta, qu. sier Alvixe: tolti do altri, sier Piero Barbo è di Pregadi qu. sier Nicolò et sier Zorzi Zorzi è di Pregadi qu. sier Andrea.

Di Ragusi, fo lettere di Beneto Gondola, di 27 settembre, a li cai di X. Come il signor Turco è in Constantinopoli con il suo exercito, et il fiol Gelin è a li confini di Mar Mazor con l'armata sua.

Noto: come di Padoa li proveditori zenerali scrisseno una lettera al proveditor zeneral in Treviso Gradenigo, data a di 8 ottobre a hore 15, di sto tenor, la copia di la qual lui la mandò a li capi dil Consejo di X per uno venuto da Mantoa. Di bon loco havemo che francesi si avantano haver intelligentia in Treviso per il mezo di uno parente dil signor Bortolo d'Alviano; el Straza si partirà fin una hora de qui con fanti 200, e che uno missier Constantin fo capo di squadra dil signor Bortolo d'Alviano, cittadino di Bassan, qual esso proveditor cognosse, erigionse in Colalto, el qual dimandò a uno nominato sier Staegal merchadante in Feltre, qual era più via sicura per andar a Trento, perchè voleva andar a far condur certi amalati per quella via.

Et è da saper, el dito proveditor scrisse ozi ai cai di X, come in tempo di assedio è bon securarsi. Per tanto, hessendo li uno contestabele nominato Matio da Zara, qual usoe alcune parole dicendo questa terra non è forte, liziermente se pol perder, quali parole disse *publice*; etiam l'ha grande odio al signor capitano per haver fato apichar uno suo capo di squadra, unde li pareria saria bon muoverlo de li et farlo andar a Padoa e dar la sua compagnia al Straza.

Colegio in questo tempo et meze.

Consieri.

Sier Bortolo Minio.
Sier Anzolo Trivixan.
Sier Marco Donado.
Sier Batista Morexini.
Sier Cristofal Moro.

Cai di XL.

Sier Vetur Pixani qu. sier Piero.

Sier Vincenzo Minoto.
Sier Vetur Duodo.

Savii dil Consejo.

Sier Andrea Venier, procurator.
Sier Tomà Mozenigo, procurator.
Sier Piero Duodo.
Sier Piero Balbi.
Sier Alvixe da Molin.
Sier Alvise Malipiero.

Savii a terra ferma.

Sier Gasparo Malipiero.
Sier Zuan Badoer, dotor, cavalier.
Sier Andrea Trivixan, cavalier.
Sier Antonio Zustignan, dotor.
Sier — manca —

Savii ai ordeni.

Sier Alvixe Bembo.
Sier Mafio Lion.
Sier Lodovico Barbarigo.
Sier Lorenzo de' Prioli.
Sier — manca —

Avogadori.

Sier Zuan Arseni Foscari.
Sier Marco Loredan.
Sier Marco Minio.

Consejo di X.

Sier Francesco Tiepolo	} Cai.
Sier Marco Zorzi	
Sier Piero Querini	
Sier Marco Donado.	
Sier Antonio Loredan, cavalier.	
Sier Stefano Contarini.	
Sier Alvise Capello.	
Sier Alvise Emo.	
Sier Luca Trun.	
Sier Francesco Bragadin.	

Noto: in questo tempo il cardinal San Severin, 25^a ch'è tutto francese, a la fin di settembre parti di Roma e zonse a Mantoa e de li andò in Alemagna da l'Imperador, mandato da papa Julio; etiam l'orator